

Sakspapir

Sakshandsamar	Arkiv	ArkivsakID
Berit Karin Rystad	FE-000, FA-C29	21/528

Saksnr	Utval	Type	Dato
011/23	Kommunestyret	PS	23.02.2023

Søknad om medlemskap i Bergen og omegn friluftsråd

Vedlegg:

Invitasjon til vurdering av mulig deltakelse i Bergen og Omland Friluftsråd

Saksframlegg KULII 171121

Tildeling av til tilskot til å utgreie deltaking frå fleire kommunar i BOF

Saksutgreiing:

Saksopplysningar

Bergen og Omland Friluftsråd (BOF) vart stifta 29. juni 1937 med hovudoppgåve å sikre ålmenta tilgang til sjø, friluftsliv og rekreasjon. I denne tidsperioden vart fleire og fleire merksame på at det pågjekk ei rask og uheldig nedbygging av strandsona i Bergen. Dette var noko som var eit kjent problem, særskilt langs Oslofjorden, så for at ikkje det same skulle skje i Bergen vart BOF skipa.

Det vert oppfordra frå Vestland fylkeskommune at alle kommunar bør vere tilknytt eit friluftsråd med mål om å auke tilrettelegging og oppfølging av friluftsområde i kommunar (sjå vedlegg til saka).

Bergen og Omland Friluftsråd (BOF) er eit interkommunalt samarbeidsorgan med 12 deltakarkommunar i Bergensregionen: Alver, Askøy, Austevoll, Austrheim, Bergen, Bjørnafjorden, Samnanger, Tysnes, Øygarden, Vaksdal, Kvam og Osterøy. Friluftsrådet samarbeider med deltakarkommunane, offentlege etatar på ulike nivå og interesserte organisasjonar. BOF har forvaltningsansvar for 258 friluftsområde i deltakarkommunane.

BOF har også båtar som inngår i Skjærgardstenesta, som er ein nasjonal sjøteneste med formål å drive skjøtsel, vedlikehald og renovasjon av offentleg eigde friluftsområde langs kysten. Tenesta har også oppsyn og driv skjøtsel i naturvernområde, i samarbeid med Statsforvaltaren og Statens naturoppsyn.

Hovudoppgåvene til BOF er:

- Etablere nye friluftsområde, legge til rette og halde dei ved like slik at alle kan bruke dei
- Arbeide for auka forståing for friluftslivets betydning, betre fritidskultur og utbreiing av friluftsliv
- Stor og viktig oppgåve er å samle inn marint avfall utan eigar i samarbeid med ulike aktørar.
- BOF samarbeider med deltakarkommunane, offentlege etatar på ulike nivå og andre interesserte organisasjonar

Kontingent

Medlemskommunane betalar ein årleg fast sum pr. innbyggjar i kontingent. Denne summen vert

justert årleg av styret. Prognose for 2023 er kr 24 pr. innbyggjar.

Vurdering

Kommunedirektøren vurderer det slik at eit medlemskap i BOF vil gagne Fedje kommune. BOF kan bidra til å styrke folkehelsearbeidet og trivnad i kommunen. Friluftsliv og reiseliv vil bli styrka gjennom dei ulike tiltaka som BOF set i gang (prosjekt).

Opptak av nye kommunar

Det er fleire kommunar som no skal gjere eit kommunestyrevedtak om eventuelt medlemskap. Desse kommunane er Masfjorden, Gulen, Modalen og Voss Herad. Opptak av nye kommunar skal godkjennast av representantskapet i BOF.

Folkehelse

Å få med fleire kommunar i friluftsråd er positivt i eit folkehelseperspektiv i den forstand at friluftslivet blir styrka i medlemskommunane. Betre drift og forvaltning av friluftsområde kan bidra til at fleire menneske nyttar seg av desse områda og lettare kjem seg ut på tur. Det enkle friluftslivet er noko nær sagt alle kan drive, uavhengig av sosioøkonomisk bakgrunn. At det er tilgjengelege friluftsområde i nærleiken til der folk bur, kan bidra til å redusere sosial ulikskap, vere inkluderande og auke livskvaliteten til innbyggjarane.

Miljø

Å drifte tilrettelagte friluftsområde krev eit driftsapparat i form av t.d. bilar, båtar og maskinar. Det vil kunne vere enklare for eit interkommunalt friluftsråd å gjennomføre ei grøn driftsomstilling, enn for ein einskild kommune. Eit friluftsråd kan bidra til å betre moglegheita for friluftsliv der folk bur og på den måten bidra til eit kortreist og meir berekraftig friluftsliv.

Økonomi

Det er god samfunnsøkonomi i å være medlem i BOF. BOF søker midlar nasjonalt og regionalt for å realisere prosjekt på Fedje som gagnar friluftsliv og folkehelse. Prosjekta skapar godt omdøme, og kan bidra til auka interesse for å satse på reiselivsrelatert næring

Konklusjon

Fedje kommune søker medlemskap i Bergen og Omland Friluftsråd.

Forslag til vedtak:

Kommunestyret vedtek å søkje medlemskap i Bergen og omland friluftsråd

Kommunestyret - 011/23

K - behandling:

K - vedtak:

Kommunestyret vedtek å søkje medlemskap i Bergen og omland friluftsråd
Samrøystes vedteke.



edje kommune